

Dios Tata ta **fiel** i no ta lubidá **Su Pretu Wowo; Israel**.

Ki **bunita** riba e serunan ta e **pianan** di esun ku ta **trese bon notisia**, ku ta **anunsiá pas** i ta **trese bon notisia di felisidat**, ku ta **anunsiá salbashon** i ku ta bisa **Sion**: "Bo **Dios** ta reina!" (**Isaías 52:7**).

Pasobra **Ami** ta **SEÑOR bo Dios, Esun Santu di Israel**, bo **Salbador**; **Mi** a duna Egipto na e Babilonia-nan komo pago pa bo, i den bo lugá, Etiopia i Seba. Pasobra bo ta **Presioso** den **Mi bista**, pasobra bo ta **Honrá**, i **Mi** ta **Stima-Bo**, lo **Mi** duna **otro hende den bo lugá**, i **otro pueblonan en cambio di bo bida**. No tene miedu, pasobra **Mi** ta ku bo; lo **Mi** trese **bo yunan** for di **Ost** kaminda nan ta plamá, i **Rekohé-Bo** for di **Wèst**. Lo **Mi** bisa **Nòrt**: '**Entregá nan!**' i **Sùit**: 'No tene nan.' Trese **Mi yu hòmbenan** for di leu, i **Mi yu muhénan** for di e finnan di **mundu**. (**Isaías 43:3-6**).

Señor Dios ta **fiel** i no ta lubidá **Israel, Su Pretu Wowo**.

Pasobra asina **SEÑOR** ta bisa: "Kanta duru ku **Alegria** pa **Yakòb**, i grita meimei di e **hefenan** di e **nashonnan** pa kousa di e **pueblo elegí; Israel. Proklamá**, duna **Alabansa**, i bisa: 'O **SEÑOR, Salba Bo pueblo**, e **Restante di Israel**.' Mira, **Mi** ta bai trese nan for di e **tera di Nòrt**, i lo **Mi Rekohé nan** for di e partinan **mas alehá di tera**, entre nan e **hendenan siegu i lam**, e muhé na estado i esun ku doló di parto, **tur huntu**; na **gran kantidat** nan lo bolbe aki na **Herusalèm**. Na yoramentu nan lo bin **Arepentí** i tin **Goso**, i ku **Súprika** lo **Mi guia nan**. Lo **Mi** hasi nan kana banda di **koridanan di awa**, riba un **kaminda lizu** unda **nan lo no Trompeká**; pasobra **Mi ta un Tata pa Israel**, i **Efraim; Israel ta Mi yu mayó**." Skucha e palabra di **SEÑOR**, O **nashonnan**, i **Proklamá** den e teranan na kosta ku ta keda te leu aya, i bisa: "**Esun ku a plama Israel lo Rekohé, i Kuidé manera un wardadó ta kuida su rebaño**." (**Jeremia 31:7-10**).

Señor DIOS, Kende ta **reuní** esnan **plamá** di **Israel**, ta **Deklará**: "Ainda lo **Mi reuní otro-nan huntu ku Israel, fuera di esnan ku ya ta reuní kaba**." (**Isaías 56:8**).

Señor Dios a **reuní** otro-nan manera **Kristiannan** ku **Israel, Su Pretu Wowo**.

Mira, lo **Mi Rekohé** nan for di tur e **paisnan** kaminda **Mi** a kore ku nan manda nan bai den **Mi rabia**, den **Mi furia** i den **gran indignashon**; i lo **Mi** trese nan bèk na e lugá aki i hasi nan biba den siguridat. I nan lo ta **Mi** pueblo i **Ami** lo ta nan **Dios**; i lo **Mi** duna nan **ún kurason** i **ún kaminda**, pa nan tin semper temor pa **Mi**, pa nan mes bon i pa bon di nan yunan despues di nan. Lo **Mi** sera un **Aliansa Eterno** ku nan: **nunka lo Mi stòp di hasi bon na nan**. I lo **Mi** pone temor pa **Mi** den **nan kurason**, pa asina nan **no bandoná Mi**. (**Jeremia 32:37-40**)

Asina **Señor DIOS** ta bisa: "Ora **Mi Rekohé** e **kas di Israel** for di e **nashonnan**, meimei di kendenan nan ta **plamá**, i **Mi Apartá Mi, Separá Mi i Santifiká Mi** mes den e pueblo di **Israel** den bista di e **nashonnan**, e ora ei e **Israelitanan** lo biba den nan mes pais ku **Mi a duna Mi sirbidó Yakòb**. (**Ezekiel 28:25**).

Señor Dios ta **fiel** i no ta lubidá **Israel, Su Pretu Wowo**.

I mira, **SEÑOR** tabata pará te ariba di e trapi i tabata bisa: "**Ami ta SEÑOR**, e **Dios di bo tata Abraham** i e **Dios di Isaak**; e tera ku bo ta drumí ariba lo **Mi** duna **Abo i Bo Desendientenan**. Tambe **Bo Desendientenan** lo bira **mes numeroso ku e stòf di tera** i lo bo **plama den bai tur direkshon** pa **Nort**, pa **Sùit**, pa **Wèst** i pa **Ost**; i **den Bo i den Bo Desendientenan tur e famianan di mundu** lo wòrdu i ta **Bendishoná**. (**Génesis 28:13-14**).

Tur famianan di mundu lo wòrdu i ta **Bendishoná** dor di **Israel**,
Dios Tata Su Pretu Wowo.

Tur nos Bendishonnan ta bini dor ku nos ta **Bendishoná Israel**,
Dios Tata Su Pretu Wowo.

Tur kos ku nos mester i ta **anhelá** ta bini ora nos **Bendishoná Israel**,
Dios Tata Su Pretu Wowo.

Laga nos, tur **famianan di mundu**, ban **Bendishoná Israel**,
Dios Tata Su Pretu Wowo
(**Génesis 12:3**).

Asina **hopi pueblo** i **nashonnan poderoso** lo bin pa **buska e SEÑOR di ehérsitonan na Herusalèm**, i pa pidi e **fabor di SEÑOR**. "Asina e **SEÑOR di ehérsitonan** ta bisa: 'Den e dianan ei **dies hòmber for di tur e nashonnan** lo kohe **bistí; paña** di un **Hudiu** tene, bisando: "**Laga nos bai ku boso**, pasobra **nos a tende ku Dios ta ku boso**.'" (**Zakarías 8:22-23**).

2 September 2016
Sea Bendishoná den e Amor di Yeshua Mesias
Rev. Remsly L Riley